



# Bases

El concursu Xixón Fala en 3 va consistir nuna competición, n'asturianu dafechu, onde se va presentar un tema, una idea, una investigación, un proyeutu, un problema social, etc. con munchu procuru y cola mayor calidá llingüística posible énte un públicu non especializao, xeneralista y vario.

Los temas a tratar nel concursu van tener un rexistru cultu o académicu: hai que lu respetar y preparar el tema acordies con ello.

Esti concursu ofrez a la ciudadanía una ocasión única pa perfeicionar les sos aptitúes de comunicación n'asturianu, pa emplegar l'asturianu en cualesquier estaya y rexistru y pa participar nun eventu col que van algamase cotes altes de prestixu y normalización en tola comunidá asturfalante.

No que cinca al públicu, ye una perbona manera d'abrir mires y d'averase a un conocimientu, aunque seya esbozáu, de temas mui estremaos.

- 🕒 Van poder presentase a esti concursu persones mayores d'edá **con esplicaciones comunicatives curties d'estremáu calter** y que respuendan al enfotu del concursu.
- 🕒 La presentación del tema habrá ser **individual**.
- 🕒 Cada participante habrá esponer el tema en **3 minutos esautos**, d'una manera clara y concisa.
- 🕒 La presentación habrá ser **dafechu n'asturianu** y habrá emplegase un **rexistru cultu**.
- 🕒 Los temas que se van presentar divídense en **dos estayes**:

**A. Temes venceyaos a la cultura y la realidá asturiana** (por exemplu: antropoloxía, toponimia, baille, historia, sociollingüística, reconversión industrial, nueves formes de turismu y perspectives de futuru, etc.).

**B. Temes de divulgación**, non venceyaos únicamente a Asturias (por exemplu: vida intelixente n'otros planetes, homeopatía y pseudociencia, crianza con apegu, enerxíes renovables y cambiú climáticu, etc.).

# Bases



- La participación nesti concursu ye **de baldre** y supón l'aceutación de tolos puntos incluyíos nestes bases.
- Cada participante puede presentar **una única** esplicación comunicativa.
- La preinscripción fadráse unviando un corréu electrónicu a [llinguaasturiana@xixon.es](mailto:llinguaasturiana@xixon.es) **hasta'l 10 d'avientu de 2018 (incluyíu)**. Nel corréu cada persona participante habrá axuntar:
  - Datos personales.
  - Títulu de la intervención.
  - Resume de la intervención: al rodiu de 200 palabres (escritu a ordenador).
  - Estaya na que quier participar (A o B).
  - Datos de contautu: teléfonu y corréu electrónicu.
- Van ser **automáticamente descalificaos** pol comité organizador los **temes** que faigan apoloxía del racismu, de la xenofobia, de la violencia de cualesquier triba, de delitos de cualesquier tipu o que discriminen a otres persones por mor de sexu, xéneru, identidá, ideoloxía, relixón, minoría étnica o social, etc.
- El comité organizador va comunicar l'**aceutación o denegación** a la persona interesada al tiempu que-y confirma la inscripción definitiva nel concursu.
- L'**actu públicu** de presentación de los temes va ser el **sábadu 15 d'avientu** nel **Salón d'Actos de la Escuela de Comerciú de Xixon** (c/Tomás y Valiente, 1), a les **17.30 hores**.
- Va ser **motiv d'esclusión** nel momentu de la presentación del tema:
  - Nun emplegar l'asturianu, nun rexistru cultu, na presentación del tema.
  - Esponer un tema que nun se correspuenda col previamente aprobáu pol comité organizador.
  - Lleer íntegramente'l testu.
  - Pasase del tiempu o nun llegar (si son 15 segundos de más o de menos respetu a los 3 minutos, va penalizase a la hora de les puntuaciones namás).
- El **xuráu** va tar formáu pola Conceyala d'Educación y Cultura de Xixon o persona en quien delegue, un/a representante de l'Academia de la Lingua Asturiana, un/a representante de la Universidá d'Uviéu, un/a representante de la Conseyería d'Educación, una representante de la Oficina de Normalización Llingüística de Xixon y una persona venceyada al mundu de la comunicación. El so fallu va ser irrevocable. El premiu podría quedar ermu, si asina lo decidiera'l xuráu.
- El **xuráu va valorar** tanto la calidá espositiva y la capacidá de síntesis como la calidá llingüística, la oratoria y la capacidá de comunicación de les persones participantes.
- Les **deliberaciones del xuráu** van tener llugar n'acabando toles presentaciones de cada estaya, y van ser de calter priváu.
- Si la persona participante emplega **15 segundos de más o de menos** respetu a los 3 minutos que tien pa presentar el tema, **nun va ser descalificada** por ello. Va quitáse-y 1 puntu sobre la valoración final del xuráu (la puntuación máxima ye un 10).
- Van concedese **tres premios en cada estaya**:  
1<sup>er</sup> premiu: 900 €, 2<sup>u</sup> premiu: 400 € y 3<sup>er</sup> premiu: 200 €.